

上帝神呪 勿傳非人 輕泄漏慢
殃及子孫 至誠誦之 役使雷霆
上朝帝闕 下濟幽冥 若依吾教
諸天唱名 雷霆護衛 號曰真人
急急一如 玉帝律令

爾時水府扶桑大帝與諸天諸地日月星宿
飛天神王諸大菩薩天人等眾皆大歡喜信
受奉行於是扶桑大帝而作誓言臣於下界
廣傳流行救世之人是時

玉帝重告扶桑大帝曰若無此經錄使凡世
之人不能制禦妖邪役使雷霆爾當於世廣
隨傳度勿示非人今救天民吾遣三官欽筆
檢察功過分毫無失有功之人吾遣天符召
之金闕量功深重登品仙職於是
扶桑大帝關具

聖首仰謝天恩朝辭而退

太上洞玄三洞開天風雷禹步制魔神呪經

太上洞淵三昧帝心光明正印太極紫微伏
魔制鬼拯救惡道集福吉祥神呪
太微紫微妙諦經華敏忍宗太英含元文象
郭舒孤界吻雕盤盧福昭明輪混洞太無玉
皇玄中吉祥音檀熾鈞蒼變和序滄渡陝符

南鼻玄母坐臺赤混太無玉虛元生吉祥音
檀熾鈞瑚琚儲靈內章元帝藍歌無紫衛衛
瑚蒙甘冥寂玄通玉虛始神吉祥音檀熾鈞
太清紫華飛神度命岑葆融華吉祥音檀熾鈞
太清丹華飛光保生嗣昭明琳密吉祥音

檀熾鈞太清青華飛仙鍊神既既銘奮屬宛
吉祥音檀熾鈞上清素華飛靈鍊形浸軒唐
彭燕吉祥音檀熾鈞上清黃華飛化鍊氣窪
巢婁錫衡吉祥音檀熾鈞上清綠華飛明護
窺兜騰珂瑛觀吉祥音檀熾鈞玉清瑤華飛
玄長生藍蘇丹株包企模吉祥音檀熾鈞玉
清碧華飛黃飛仙晶羅頡力吉祥音檀熾鈞
玉清玉華飛玄洞玄都明最旭晨吉祥音檀
熾鈞玉虛金華飛玄妙靈旭蒼晨轆轤吉祥
音檀熾鈞

音檀熾鈞

洞淵黃華三昧帝心大洞光明正印玄章
太極真常紫微真母伏降六天制禦萬鬼拯
救惡趣宿治儀盧消滅萬災集定萬福結集
生氣貫入玄津演吉祥音註歸丹母發生內
寶玉芝瓊英黃芽金液琅玕玄珠九轉八瓊
證聖真仙十通妙行圓滿濟度大洞帝一尊
君吉祥音檀熾鈞

天尊彼時玉音光中增飾妙華洞觀始通吉
祥音檀熾鈞洞微苑通吉祥音檀熾鈞洞空
氣通吉祥音檀熾鈞洞虛華通吉祥音檀熾鈞
洞靈力通吉祥音檀熾鈞洞真道通吉祥
音檀熾鈞洞玄靈光通吉祥音檀熾鈞洞源
神通洞明帝心玄通洞清冥慧元通吉祥音
檀熾鈞終全真一安處無為妙行一乘中觀
思神念真慧命作用通氣制禦萬靈吉祥音

檀熾鈞通神坐致自然通靈坐在立亡吉祥
音檀熾鈞道備登晨飛升太空位登仙公侍
列玉清無無上真吉祥音檀熾鈞太真玄符
尊度天人吉祥音檀熾鈞是時
元始天尊與威德自在天尊同聲重說太極

音檀熾鈞

太上洞玄三洞開天風雷禹步制魔神呪經
太上洞淵三昧帝心光明正印太極紫微伏魔制鬼拯救惡道集福吉祥神呪

紫微伏魔制鬼拯救惡道消災集福吉祥神
 呪已六天震動魔山崩摧究齋絕源地根斷
 蒂鬼趣清滅俱化善神是時會中無量飛仙
 清和玉女水史真妃芳華來玉女百千億萬
 衆雨八色天花繽紛飄下香風熏護和氣氤
 氳

元始天王告定一真人蔚羅真人曰此神呪
 玉章乃三昧帝心光明正印太極妙本紫微
 真人能破冤魔心能救鬼趣若能消萬災劫
 能集萬福祥功德無邊不可思議今日為汝
 等重宣玉文增飾呪心圓滿妙行使汝等持
 此呪印利益人天度諸有情齊登聖果令宣
 玉勅囑二真人汝稟命奉行普濟普度勅威
 德自在天尊定一二真人徧滿十方界持我
 光明輪三昧太定印帝心行大心制伏六洞
 魔破滅萬鬼羣解釋十二冤結網悉消平鬼
 趣絕惡根凶魔化善神我道一氣沖清和鼓
 化風自彼鬼類幽直超三善中帝心成大心
 正氣永和融學仙修大乘妙行著玄功繼猷
 與靈軀悟真登仙公使彼洞淵心玄玄控三

龍化合衆生心光明澄十通安集太真房道
 遠景華峯怡然金闕庭王光他我同氣與元
 始通吉祥成大功於是太玄道父威德自在
 天尊定一真人蔚羅真人飛仙玉女清和玉
 女水史真妃芳華來玉女諸天仙衆異口同
 光並作一音太和自然說偈讚嘆云

太極紫微帝心呪 十通吉祥禮懺鈞
 臣等六根為讚揚 惟願慈悲作證度
 呪燭無窮照法界 大光大明三景輪
 明過日月及天光 照燭幽途普開朗
 呪音無窮通法界 神雷天鼓玉音傳
 振輝法韻響靈音 開悟衆生悉明慧
 呪香無窮徧法界 不增不減太和風
 灑為法雨出為雲 霑護衆生薄清淨
 呪味無邊周法界 太和太一萬善源
 外為神水內華池 潤益衆生悉長命
 呪相無窮大變化 真應法身如塵沙
 金肌玉骨萬道全 堅固金剛形不壞
 呪心十通徧法界 無高無下普開明
 龍光一點出中山 照徹人天悉開悟

呪威無量神通廣 力過那耶殺古尊
 收降六洞大魔軍 斷絕鬼鋒正仙道
 呪福無邊廣圓滿 富玉貴王不能過
 有如天尊大意珠 光照無窮福德藏
 呪德無量大悲悲 從劫至劫運慈仁
 巍巍三氣道中尊 周濟人天悉圓滿
 臣等六根讚嘆已 至於身外植玄根
 玄根未茂徧人天 同等一秉真妙行
 是時太玄道父威德自在天尊定一真人蔚
 羅真人諸天真人神仙天帝神王仙官仙王
 飛仙玉女水史真妃芳華來玉女等說偈讚
 嘆已稽首

天尊奉辭而退
 太上洞淵三昧帝心光明正印太極紫微伏
 魔制鬼拯救惡道集福吉祥神呪